

Los Campesinos ganador Tipico Secundino Tromp Rey di Dande 1989/90

Elio Dania ganador propio composicion



ORANJESTAD (AAN) Un publico enorme a yena e patio y club Trappers completamente yen Diabierna 29 di December pa presencia e di 16 Festival Tipico, Dande y Propio Composicion. Apesar cu a expande club Trappers esey no tabata suficiente pa acumula e hendenan. For di oranan trempa di anochi ya club tabata completamente yen y den careda di 11 or y 30 Polis a duna ordo pa no bende mas carchi debi cu no tin mas lugar pa pone hende y e festuval mes a termina den careda di 3 or y 30.

Un festival di nivel hopi halto a ser presenta tanto riba nivel tipico, dande y propio composicion. Mester menciona cu tur e conhuntonan y cantantenan a duna un tremendo presentacion y esey ta muestra cu festival tipico y dande ta riba con caminda.

Pa di segundo vez festival propio composicion a ser organiza den festival tipico y dande y e tabata un exito completo cu 10 propio composicion.

No menos cu 19 agrupacion a participa den e festival dande acompaando 43 cantante. Cantantenan tabata hopi bon prepara mescos cu e agrupacionnan.

Rey di Dande a keda Secundino Tromp acompaña pa Lirios Del Campo kende a haya e

bunita trofeo mas tres cien florin di Franken Contractors. Secundino a yega di gana dos festival anterior na Hulanda dos aña sigui. Na di segundo lugar a keda Frank Lampe acompaña pa Los Campesino, Frank a ricibi e suma di 150 florin mas un bunita trofeo. Na di tres lugar a keda Didi Wernet acompaña pa Tipico Futuro kende a ricibi 100 florin mas un trofeo. Na di cuatro lugar Facundo Panneflek y na di cinco lugar Benigno Panneflek ambos acompaña pa Luceros del Alma ambos cantante a haya 50 florin mas un trofeo.

Pa loque ta e competencia Tipico, ganador Los Campesinos cual agrupacion a haya 250 florin mas un bunita trofeo. Segundo lugar Seleccion Tradicional cual agrupacion a ricibi 150 florin mas un bunita trofeo. Na di tres lugar Ola Tropical cual agrupacion a ricibi 100 florin mas un trofeo. Cuatro lugar Marion y su Tipico. Cinco lugar Tipico Los Amigos, e dos ultimo agrupacion a ricibi 50 florin mas un trofeo.

Propio composicion tabata tin hopi bon competencia tanto riba nivel di canto, composicion y areglo musical. E ganador a keda "Grupo Folklorico" Composicion y canta pa Elio Dania como ganador el a ricibi 200 florin mas dos trofeo y areglista Chinto Geerman a haya un trofeo mas 50 florin.

Personanan cu a ser honra cu un plaquette pa nan contribucion grandi na cultura di Aruba ta Seferino Ridderstap, Jose Ras, Chomai Koolman, Agrapino Rafini y Boei Geerman. Un plaquette especial a bay pa Marco Werleman kende tin 45 aña ta baila San Juan. Componentenan di Los Campesinos tambe a haya

un plaquette, Rudolf Dania, Eteban Rafini, Pedro Kelly, Max Kelly, Rafael Lacle, Agrepro Kelly, Candito Boekhoudt, Miso Boekhoudt y Pascual Kelly kende e festival a ser dedica, na Ola Tropical pa nan segundo año consecutivo grabando disco tipico cultural di Aruba.

Huradonan Marcel Maduro, Don Ramon, Jeffrey Franken, Edwin Tromp y Toty Arends.

Ministro Presidente Nelson Oduber y Ministro di Cultura a haci acto di presencia Sr. Freddy Refunol kende a haci entrega di e trofeo y plaquetenan na e respectivo ganador y finalistanan.

Organizadornan ta manda palabranan di danki na esnan cu a coopera enormemente pa e exito di e festival cu ta directiva y miembronan di Trappers cu a traha enormemente pa e festival por a tuma lugar, na cuerpo policial, Rockets Baseball Organizacion, Agencia Funeraria Zepp Wever, Gobierno di Aruba, Instituto di Cultura, Buchi Werleman cu a traha bunita trofeonan den un forma unico na un prijs hopi barata pa asina yuda cultura di Aruba, Ildo Vrolijk, DIARIO, M.C. Tom Delany, Eddy Tec, huradonan, agrupacion y cantantenan, radio emisoran, publico cu a presencia e show y tambe palabra di disculpa na esnan cu no por a presencia e show debi cu no tabata tin mas lugar pa pone hende. Na tur cu a coopera palabranan di danki pa por a haci e festival un exito completo. Na e ganadornan palabra di pabian y exito pa futuro.

Riba e grafico parti di e show y e ganadornan ricibiendo nan trofeo for di Ministro Refunol hunto cu organizadornan Harry Croes.

